

# ESTATUTOS DA "ASOCIACIÓN DE NAIS E PAIS DE ALUMNOS RÍO LÉREZ DO C. P. MANUEL VIDAL PORTELA"

(PONTEVEDRA)

## CAPITULO I.- DA ASOCIACIÓN EN XERAL

### Artigo 1º

- 1) Procésese a adapta-los estatutos da asociación denominada "ASOCIACIÓN DE NAIS E PAIS DE ALUMNOS RÍO LÉREZ", co nº 556 de inscrición no Rexistro Provincial, e co nº 30176 do Rexistro Nacional, de asociacións sen ánimo de lucro, e CIF G 36018331.
- 2) A Asociación rexerese polos devanditos estatutos, pola Lei orgánica 1/2002, do 22 de marzo, reguladora do dereito de asociacións e pola demais legislación existente en materia de asociacións que lle sexa aplicable; quedando a Asociación integrada polos pais dos alumnos, dotada de personalidade jurídica propia con capacidade para obrar, sen outras limitacións que as establecidas nas leis e nos presentes estatutos, para o desenrolo dos seus fins e para a xestión dos intereses xerais dos seus asociados.
- 3) Serán principios desta Asociación os principios democráticos contidos no marco da Constitución e o resto do ordeamento xurídico.

**Artigo 2º.-** A Asociación terá o seu domicilio no Colexio Manuel Vidal Portela, c/ Avda. Buenos Aires s/n, de Pontevedra, sendo o ámbito territorial da súa actividade, dentro da provincia de Pontevedra.

Poderáanse utilizar outros locais asociativos adicionais, mediante acordo da Xunta Directiva, que terá atribucións para cambiar, tanto o domicilio como os locais, dando conta do seu acordo ó organismo encargado do Rexistro de Asociacións.

### Artigo 3º.- FINS DA ASOCIACIÓN.

Os fins desta Asociación serán os seguintes:

- a) Asistir ós pais, nais, e titores en todo aquilo que concirne á educación dos seus fillos ou pupilos.
- b) Colaborar nas actividades educativas do centro.
- c) Promove-la participación dos pais dos alumnos na xestión do centro.
- d) Facilita-la representación e participación dos pais dos alumnos no Consello Escolar do Centro e noutros órganos colexiados.
- e) Promover todo tipo de actividades encamiñadas á formación integral dos alumnos.
- f) Promover actividades encamiñadas á formación dos pais, nais e titores, favorecendo a súa integración no proceso educativo.
- g) Calquera outras que, no marco da normativa vixente, lle sexan asinadas.

## CAPITULO II.- DOS/AS SOCIOS/AS

**Artigo 4º.-** Poderán ser socios da Asociación tódolos pais/nais ou titores dos alumnos matriculados no centro escolar, sempre que voluntariamente o soliciten, acepten os presentes Estatutos e paguen as cotas que se establezan.

### **Artigo 5º.- SON DEREITOS DOS/AS SOCIOS/AS:**

- a) Poder expresar libremente as súas ideas, así como exercita-lo seu dereito ó voto nas Asembleas Xerais, Comisións ou en calquer órgano da Asociación do que formen parte integrante.
- b) Elexir e ser elexidos para os Órganos Directivos da Asociación.
- c) Tomar parte nas actividades organizadas pola Asociación.
- d) Facer propostas ós Órganos Directivos.
- e) Impugna-los acordos contrarios ás Leis ou ós presentes Estatutos.
- f) Asistir a todo-los actos que a Asociación celebre no cumprimento dos seus fins.
- g) Información periódica das xestión realizadas pola Asociación.

### **Artigo 6º.- SON DEBERES DOS/AS SOCIOS/AS:**

- a) A súa adaptación ós Estatutos da Asociación.
- b) Asistir ás Asembleas e reunións dos órganos da Asociación dos que forme parte integrante.
- c) Cumpri-los acordos tomados en Asemblea e polos órganos da Asociación.
- d) Satisface-las cotas acordadas pola Asemblea Xeral, con obxecto de contribuir ó mantemento da Asociación.

### **Artigo 7º.- A CONDICION DE SOCIO/A PÉRDESE:**

- a) Por renuncia voluntaria, por escrito, dirixida á Xunta Directiva.
- b) Polo remate dos estudos dos fillos ou pupilos, ou ben polo traslado dos mesmos a outro centro.
- c) Por expulsión do alumno do centro escolar.
- d) Por omisión inxustificada no pago das cotas establecidas.
- e) Por exclusión, como decisión tomada pola Asemblea Xeral, baseada no incumprimento grave ou reiterado dos Estatutos e acordos da Asociación.

## CAPITULO III.- DO GOBERNO E A ADMINISTRACIÓN.

### **ORGANOS DA ASOCIACIÓN**

**Artigo 8º.-** Son órganos da Asociación:

- a) A Asemblea Xeral.
- b) A Xunta Directiva.
- c) As Comisións de Traballo.

## A ASEMBLEA XERAL

**Artigo 9º.-** A Asemblea Xeral e o órgano supremo e soberano da Asociación. Reunirase obrigatoriamente e con carácter ordinario dúas veces ó ano, que poderán ser ó inicio do curso escolar para expoñer o programa a desenrolar, e a finais do curso para expoñe-la memoria anual e liquidación do presuposto .

Por designación e mandato da Asemblea Xeral, o goberno, a administración e representación transfírese de modo permanente á Xunta Directiva.

**Artigo 10º.-** Con carácter extraordinario, celebraránse reunións cantas veces sexa necesario. As reunións extraordinarias convocaránse pola Xunta Directiva, a petición da mesma, ou por solicitude escrita dun número de socios, non inferior a un 10%. En este último caso á petición da convocatoria, os socios deberán unir a orde do día que propoñan.

Corresponde a plena soberanía da Asociación á Asemblea Xeral, constituída pola totalidade dos/as socios/as con plenitude de dereitos.

**Artigo 11º.-** É competencia da Asemblea Xeral Extraordinaria decidir sobre os asuntos seguintes:

- a) Elección e renovación da Xunta Directiva.
- b) Examinar e aprobar, se procede, a Memoria de actividades, contas de ingresos e gastos, e balance do ano precedente.
- c) Examinar e aprobar, se procede, o orzamento de ingresos e gastos do ano.
- d) Examinar e aproba-la programación escolar.
- d) A aprobación e liquidación dos presupostos da Asociación..
- e) Expulsión de socios.
- f) Interpretación e Modificación dos Estatutos.
- g) Aprobación para constituirse ou ingresar nunha Federación de Asociacións.
- h) Tomar acordos sobre os temas propostos polos asociados.
- i) Fixa-las cotas ordinarias e extraordinarias que han de satisfacer-los socios.
- j) Disolución da Asociación
- k) Aproba-la adquisición, disposición ou alleamento dos bens da Asociación.

**Artigo 12º.-** As Asembleas Xerais ordinarias e extraordinarias serán convocadas cunha semá de antelación, a non ser que xurdan temas de urxente necesidade que poderán ser convocadas con setenta e dúas horas.

Nas convocatorias faráse consta-lo lugar, data e hora nas que se van a celebra-las reunións, así como a orde do día dos asuntos a tratar.

**Artigo 13º.-** A Asemblea Xeral de carácter ordinario e extraordinario, reunirase en primeira convocatoria cando asistan a metade máis un dos socios, en en segunda convocatoria calquera que sexa o número de socios que asistan. Os acordos adoptaranse por maioría simple de votos, excepto naqueles acordos para os que se esixa unha maioría cualificada.



## A XUNTA DIRECTIVA

**Artigo 14º.-** A Xunta Directiva actuará como comisión executiva permanente da Asemblea, con facultades para adoptar calquera clase de acordo non atribuído á Asemblea Xeral por estes Estatutos.

A Xunta Directiva estará composta ó menos por un Presidente, un Vicepresidente, un Secretario, un Tesoureiro e tres vocais, todos con voz e voto, sendo os seus membros elixidos e revocados en Asemblea Xeral.

**Artigo 15º.-** Serán funcións da Xunta Directiva, as seguintes:

- a) Presenta-los orzamentos de ingresos e gastos.
- b) Presenta-la memoria de actividades anuais e o balance de ingresos e gastos.
- c) Velar polo cumprimento dos Estatutos.
- d) Coordinar e dirixi-la labor das comisións de traballo.
- e) Establece-los programas de actuación, informando á Asemblea Xeral dos mesmos.
- f) Cumplir e velar polo cumprimento dos acordos da Asemblea Xeral.
- g) Convoca-las asambleas xerais.

**Artigo 16º.-** A Xunta Directiva reunirse ó menos unha vez cada trimestre, coa presenza da metade máis un dos seus membros. Os acordos tomaráanse por maioría dos presentes, decidindo en caso de empate o voto do Presidente.

As reunións da Xunta Directiva serán convocadas ó menos con tres días de antelación, salvo caso urxente que se poderán reunir inmediatamente ca metade máis un dos seus membros, e toma-las decisións oportunas, pero poñendo os feitos en coñecemento do resto dos seus membros o antes posible.

**Artigo 17º.-** Ás reunións da Xunta Directiva poderán asisti-los profesionais e colaboradores que, de común acordo, se estime necesario para o asesoramento da mesma. Terán voz pero non voto.

**Artigo 18º.-** A duración do mandato da Xunta Directiva será de dous anos, salvo revocación expresa da Asemblea Xeral. Os seus membros poderán ser reelixidos sin limitación algunha.

En caso de vacante do Presidente, o cargo será ocupado necesariamente polo Vicepresidente. Si se producise a vacante en calquera dos outros cargos directivos, sería cuberta polos vocais, e no caso de vacante destes últimos, polo socio que non habendo saído elixido para membro da Xunta Directiva, houbera obtido o número de votos inmediatamente inferior ó último membro electo da Xunta Directiva.

**Artigo 19º.- CORESPONDERÁ Ó/Á PRESIDENTE/A:**

- a) Representar legalmente á Asociación.
- b) Convocar e presidi-las reunións da Asemblea Xeral e da Xunta Directiva.
- c) Fixar a orden do día da Asemblea Xeral e das reunións da Xunta Directiva.
- d) Impulsar e dirixi-la actuación da Asociación.
- e) Dirixi-las discusións, sometendo a votación os asuntos que así o requiran.
- f) Firma-las actas co/a Secretario/a, e demais documentos da Asociación.
- g) Nomear ó vocal que deba substituír ó Secretario en caso de ausencia ou enfermidade deste.



**Artigo 20º.- CORRESPONDERÁ Ó/Á VICEPRESIDENTE/A:**

- a) Sustitui-lo Presidente, por delegación deste, en caso de ausencia, enfermidade ou calquera outra circunstancia que así o requira.
- b) Realiza-las funcións que a Xunta Directiva lle encargue.

**Artigo 21º.- CORRESPONDERÁ Ó/Á SECRETARIO/A:**

- a) Actuar como tal nas Asembleas e reunións da Xunta Directiva.
- b) Custodiar e levar os libros de actas, rexistro de socios, e demais documentos da Asociación, excepto os libros de contabilidade.
- c) Despacha-la correspondencia oficial e autorizar co Vº e Prace do Presidente as certificacións oportunas.
- d) Redacta-las actas das Asembleas Xerais e das reunións da Xunta Directiva.
- e) Redacta-la Memoria anual da Asociación.

**Artigo 22º.- CORRESPONDERÁ Ó/Á TESOUREIRO/A:**

- a) Leva-la contabilidade dos fondos da Asociación.
- b) Custodia-los libros de contabilidade da Asociación.
- c) Intervir en toda-las operacións de tesourería co Vº e Prace do Presidente.
- d) Presentar á Xunta Directiva e á Asemblea Xeral, os balances, estados económicos e oramentos da Asociación.

**AS COMISIONS DE TRABAJO:**

**Artigo 23º.-** Co obxecto de logra-los fins da Asociación crearanse as Comisións de Traballo que a Asemblea Xeral ou a Xunta Directiva determine.

**Artigo 24º.-** As Comisións serán presididas por un vocal da Xunta Directiva, designado polo Presidente da mesma, que dirixirá os traballos. Poderán formar parte das Comisións tódolos socios que o soliciten. De entre eles elixirase un secretario que levantará acta das reunións e acordos tomados.

**CAPITULO IV.- DOS RECURSOS ECONÓMICOS.**

**Artigo 25º.-** No momento de constituirse a Asociación, ésta carece de patrimonio fundacional.

Os recursos económicos da Asociación estarán constituídos por:

- a) As cotas dos socios, que serán fixadas pola Asemblea Xeral.
- b) As subvencións, doazóns, herdanzas, etc, que poidan ser concedidas por entidades públicas ou privadas, ou por unha persoa física.
- c) Os intereses que produzan os fondos da Asociación.

Os ingresos anuais da Asociación non superarán os seis mil euros.



**Artigo 26º.-** As contas bancarias da Asociación, deberán ter recoñecidas a lo menos a sinatura do/a Presidente/a e do/a Tesoureiro/a, para calquera movemento nas mesmas. O PEQUE DO EXERCICIO ECONÓMICO REALIZARASE NA PRIMEIRA QUINCENA DO MES DE DECEMBRO.

## CAPITULO V.- DISOLUCION E LIQUIDACION.

**Artigo 27º.-** A Asociación constituiese por tempo indefinido e só se disolverá, conforme a estes estatutos, por algunha das causas seguintes:

- Por vontade dos socios, adoptado polas 2/3 partes dos asistentes á Asemblea Xeral Extraordinaria, convocada expresamente para tal efecto.
- Polas causas determinadas no Art. 39 do Código Civil, o una legislación vixente.
- Por sentenza xudicial firme.

**Artigo 28º.-** A Asemblea Xeral Extraordinaria que acordase a disolución da Asociación, deberá nomear unha Comisión Liquidadora, que estará integrada por tres asociados, o/a presidente/a e o/a tesoureiro/a, a cal será a encargada de paga-las débedas, extinguindo as cargas da Asociación, e destinando o sobrante, a outra Asociación cos mesmos fins educativos ou sociais ca ésta, non lucrativa e inscrita na comunidade autónoma, e que será proposta na Asemblea que acorde a disolución.

O xustificante da doazón será presentado no Rexistro de Asociacións correspondente para proceder á inscrición da disolución da asociación.

O/A Secretario/a,

Vº e Prace do/a Presidente/a

Aprobados estes Estatutos na Asemblea Xeral Extraordinaria de data: 14/05/04

XUNTA DE GALICIA  
CONSELLERÍA DE XUSTIZA  
INTERIOR E ADMINISTRACIÓN LOCAL  
MODIFICACIÓN DE ESTATUTOS

Inscrita a modificación por resolución de 3.12.2004  
ós sos efectos de publicidade de conformidade co  
artigo 22 da constitución e artigo 16 da L.O. 1/2002.

PONTEVEDRA, 13 DIC 2004

DELEGADO PROVINCIAL



*[Handwritten signature]*